



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Felicitas M. 10. Iulii.

urn:nbn:de:hbz:466:1-44055

S. FELICITAS M. 10. Iulii.

FELICITATEM in manibus habes, matronam in quâ unâ omnem Spartam Roma extinguit. Stat ecce ad tribunal plena animis, & qui matrem coronat, globum filiorum in tyrannum agit. *Ne, ne oculos in tyrannum filii, aut quas hic minatur pœnas, sed calum, sed quæ calum promittit gaudia, desigite. Ite, ostendite etiam suos Romanis Machabeos esse, implete nominis mei omen; facite ut sim, quæ dicor, Felicitas. Septem estis, si pueri, certè numero tyranno superiores. Sed & mater adero, pugnabo in singulis, in omnibus triumphabo. Votum pugne hoc est, ut nostrum ex acie vivus nemo discedat.* Talia mater filiis: at matri tyrannus colaphos ingerebat. Mox JANUARIUS virgis cæsus ridet puerile tormentum. Negant FELIX & cum PHILIPPO SILANVS sive à fratribus sive à Christo avelli posse. Jam ALEXANDER clientelam Imperatoriam offerenti Christi se Libertum respondet. VITALIS porro edicere Judicem jubet dæmonine malo an DEO Opt. servendum? Denique rectissimè MARTIALIS cassis minis serias Orci pœnas opponit. Has itaque inter pugnas, plumbatis, fustuario, præcipitio ferroque omnis fraterna acies cadit. Et potuit in septem Germanis trecentos Fabios spectare Roma. FELICITAS certè spectavit, & oculis suis tot sibi oculos erui videre sustinuit, dum ultima à ferro est mortua. Si tamen mori jam potuit septies mortua. *Ex Surio.*

Quid tempore iudicii facturi sumus, quando contra Crucifixi Domini livores nota peccatorum nostrorum, & macula libidinum proferentur? quo vultu respiciet redemptio nostra perditionem nostram? tantò graviora erunt

II. Iulii. VITÆ SANCTORVM. 343
erunt nostra delicta, quanto majora se ostenderint divi-
na beneficia. S. Cæsar. hom. 23.

S. GOLINDUCHA M. II. Iulii.

Parcius multi cœnarent, si cum GOLINDUCHA
nobili apud Persas matronâ. Epulo affidebar
illa, cum ecce tibi, dum alii gulam, ipsa Superis in-
vitantibus oculos suos pascit. Tollit hos Cælo, &
quæ Cælites convivium actitent, spectat; poni am-
brofiam, misceri nectar videt invidetque. Inde ad
inferos demittit, & esurire micam, sitire guttam
epulones, interque hos, pro dolor! etiam paren-
tes suos advertit. Ipsa scilicet ad Christum Chri-
stique fidem se vertit. Succensuit conjux, so-
ciamque thori ad Saporem Regem fide minimè
maritali defert. Hic octo ipsos annos in carcerem;
tum quatuor menses in antrum compingit à dra-
cone infessum. Cum hoc etiam monstrum virtus
domuisset, in infamem cellam abducitur; sed hinc
à Tutelari Angelo educitur. Inde ad supplicium
rapitur; sed ab hoc iterum eripitur. quòd tamen
nimium quantum sanguinem pro Christo gesti-
ret fundere, vulnus in jugulo, sed ab hujus cruore
medicinam omnis id loci æger accipit. Hoc porro
monili superba GOLINDUCHA cum locos à viris
sanctis nobilitatos permultos adiisset, cælo tan-
dem se intulit, & inde ad Saliarum epulas suas
etiam oculos Marianorum invitat. *Ex Menais &
Theophylacto.*

*Quid tam pavendum, quid tam plenum anxietatis,
& vehementissima sollicitudinis excogitari potest, quàm
judicandum astare illi tam terrifico tribunali, & incer-
tam adhuc expectare sub tam districto iudice senten-
tiam? S. Bern. Serm. 8. super B. qui habitant.*